

律
疏
補
書

續錄

詩地理攷卷之四

受命作周

朱氏曰受命受天命也作周造周室也稱王改元
之說歐陽公蘇氏游氏辨之已詳武成惟九年大
統未集若以文王在位五十年推之不知九年何
處數起尚書大傳曰文王命一年斷虞芮之質二
年伐邗三年伐密須四年伐犬夷五年伐
耆六年伐崇七年而崩孔安國見武成篇故泰
誓傳曰周自虞芮質厥成諸侯並附以爲受命之
年至九年文王卒葉氏曰詩言周雖舊邦其命
維新以虞芮質厥成爲文王受命之年儒者之傳
固有自矣是以武王
稱誕膺天命九年

摯

毛氏曰摯國名任姓 周語摯疇之國由大任

注摯

疇二國奚仲仲虺之後大任之家

唐世系表祖已七世孫曰成

徙國於摯

仲虺居薛臣扈祖已皆其胄裔 傅氏曰自彼殷商來嫁于周則摯是殷商畿

國內國

京

朱氏曰裸將于京周之京師也曰嬪于京依其在

京周京也王配于京鎬京也

乃觀于京高丘也

殷商

史記正義自湯已下號商自盤庚改號曰殷括地

志相州安陽縣本盤庚所都卽北冢殷墟南去朝

歌城百四十六里竹書紀年盤庚自奄遷北冢曰

殷墟南去鄴四十里舊鄴城西南三十里有洹水在相州北四里南岸三里有

安陽城卽相州外城西有城名殷墟所謂北冢也史記項羽與章邯盟洹水南殷虛上鄭

氏曰契有功封商湯始居亳之殷地荀子契玄

王生昭明居於砥石或曰卽底柱遷于商十四世有成湯書

盤庚遷于殷孔氏曰亳之別名孔氏曰成湯之初以商

爲號及盤庚後爲殷取前後二號而言之曹氏

曰盤庚復治亳之殷地湯之故居故兼稱殷商

朱氏

曰商言其國
殷言其地

洽陽

毛氏曰洽水也穀梁傳水北曰陽 地理志左馮

翊郃陽縣在郃水之陽

說文引詩在郃

音合

之陽

朱氏曰洽水名本在今同州郃陽夏陽縣今流

已絕故去水而加邑渭水亦逕此入河

括地志郃陽故城在

同州河西
縣南三里

水經注曰郃陽城南有漢水東流注

于河水南猶有文母廟前有碑去城十五里水卽

郃水也縣取名焉

郡縣志水在舊河西縣南五里今郃陽界內

渭渼

毛氏曰渭水厓 王氏曰洽之陽渭之渼莘國所

在 朱氏曰渭水至同州馮翊縣入河 孔氏曰

造舟比船於水加版於上卽今之浮橋杜預曰造

舟爲梁則河橋之謂也

爾雅天子造舟 鄭氏曰周制也殷時未有等制

程氏曰親迎于渭文王未爲君周國在渭旁不是出疆

莘

毛氏曰莘大奴國 水經注郃陽城故有莘邑大

奴之國輿地廣記同州郃陽縣古莘國

括地志古新女國城在

同州河西縣南二十里

世本莘奴姓禹後唐世系表啓封支子于莘

牧野

牧說文作埊孔氏曰紂南郊地名

通典衛州汲縣牧野之

地九域志汲縣本牧野之地漢爲縣

郡國志朝歌縣南有牧野

牧誓注紂近郊三十里地名牧括地志今衛州城卽牧野之地武王至牧野乃築此城孔氏曰

商郊牧野是郊上之地戰在

皇甫謐曰在朝歌

南七十里水經注自朝歌以南暨清水土地平行據臯跨澤悉埊野之地故詩稱埊野洋

洋竹書紀年曰武王率西夷諸侯伐殷敗之于牧野括地志朝歌在衛州東北周書克殷曰周

車三百五十
乘陳于牧野

自土沮漆

地理志右扶風杜陽縣

今鳳翔府
普潤縣

杜水南入渭詩

曰自杜顏氏注詩自土沮漆齊詩作自杜言公劉

避狄而來居杜與沮漆之地鄭氏曰公劉遷于

豳居沮漆之地段氏曰漆沮有二皆出雍州皆

東入于渭特有上流下流之別詩漆沮入於渭之

上流

自土漆沮言
於岐周之間

書漆沮入於渭之下流

言於東
會於澧

又東會於十三州志云漆水出漆縣西北至岐山

涇之下

東入渭後漢注漆縣故城在邠州新平縣沮水不

知所在此詩自土沮漆者也十三州志萬年縣南有涇渭北有小河卽

也沮水 晁氏曰地理志漆水在扶風漆縣西此豳

之漆也水經漆水出扶風杜陽縣兪山東北入於渭括地志沮水出雍州富平縣東入櫟

陽南漆水出岐州普潤縣東南岐漆山嚴氏曰

沮漆名稱相亂水經云沮水出北地郡直路縣疎

過馮翊祓祢縣北東入于洛此沮水之源流也漢

志扶風有漆縣漆水在縣西東入渭又闕駟十三

州記云漆水出漆縣西北至岐山東入渭此漆水

之源流也沮出北地人洛漆出扶風入渭沮自沮

漆自漆也至孔氏引水經云沮水俗謂之漆水謂

之漆沮此則名稱相亂矣諸家書解以出扶風之

漆水與出北地之漆水爲二謂扶風之漆水至岐

山入渭在灋之上流而書言渭水會灋會涇之後

乃過漆沮則漆沮在灋水涇水之下流故以書之
漆沮爲出北地之漆沮與詩扶風之漆別也但水
經出北地者止是沮水而謂之漆沮耳如上所言
則詩之漆沮自是二水書之漆沮止是一水卽詩
之沮也然水經之沮入洛書之漆沮則入渭沮水
若爲漆沮一名洛水則漆沮卽洛也而又云入洛
何也姑闕之以俟知者此詩沮漆指豳國是漆沮
之上流也下文言周原傳以爲漆沮之間指岐周
是漆沮之下流也吉日及潛頌言漆沮指鎬京當
亦去岐周不遠也疏云漆沮二水在豳地但二水
東流亦過周其說是也史記正義二水源在雍州
西其名洛水者在雍州東山海經獫狁之山漆
水出焉北流注于渭說文漆水出右扶風杜陵
縣岐山東入渭水經注今有水出杜陽縣岐山
北漆溪謂之漆渠
西南流注岐水

率西水潄

鄭氏曰循西水厓沮漆水側也 周紀古公去豳

渡漆沮

徐廣曰水在杜陽岐山
顏氏曰漆水在新平

岐下

孟子大王去邠踰梁山邑于岐山之下居焉

括地志梁山

山在雍州好畤縣西北十八里鄭氏云岐山西南

郿縣志岐山亦名天

柱山在鳳翔府岐山縣東北十里 地理志右扶

風美陽縣岐山在西北中水鄉周大王所邑 水

經注岐水歷周原下北則中水鄉成周聚水北卽

岐山

皇甫謐云今美陽西北有岐城舊址孔氏曰皇矣稱居岐之陽在渭之將是其處險阻

也地理志大王徙郊闕宮實維大王居岐之陽實始翦商朱氏傳曰大王自豳徙居岐陽四方之民咸歸往之王迹始著蓋有翦商之漸矣

周原

郡國志右扶風美陽有岐山有周城

杜預云城在縣西北

周

大王所徙南有周原

郡縣志鳳翔府扶風縣本

漢美陽地

通典美陽故城在京兆府武功縣北七里

皇甫謐云邑於

周地始改國爲周

史記正義岐山下有周原上置城

毛氏曰周

原沮漆之間也

鄭氏曰廣平曰原周之原地在

岐山之南臚臚然肥美

韓詩周原臚臚

虞芮

毛氏曰虞芮之君爭田久而不平乃相謂曰西伯
仁人也盍往質焉乃相與朝周入其境則耕者讓
畔行者讓路入其邑男女異路頒白不提挈入其
朝士讓爲大夫大夫讓爲卿二國之君感而相謂
曰我等小人不可以履君子之庭乃相讓以其所
爭田爲閒田而退天下聞之而歸者四十餘國

郡縣志故虞城在陝州平陸縣東北五十里虞山
之上古虞國

地理志河東大陽縣
吳山在西上有吳城

芮城在陝州芮

城縣西二十里古芮國

晉太康地記虞西百四十里有芮城

閒原在

平陸縣西六十五里卽虞芮爭田讓爲閒田之所

蘇氏曰芮在同之馮翊郡國志左馮翊臨晉有芮鄉古芮國與虞相讓者

洧彼涇舟 鳧鷖在涇

涇水出原州百泉縣涇谷東南流至涇州臨涇保

定二縣又東南流至邠州之宜祿新平永壽三縣

又東北流至京兆之醴泉高陵雲陽三縣以入渭

旱麓

毛氏曰旱山名麓山足

地理志漢中郡南鄭縣

旱山沱水所出東北入漢 說文林屬於山爲麓

曹氏曰旱山在梁州之地與漢廣相近故取以

興焉 周語旱麓之榛楸殖故君子得以易樂于

祿焉

九域志興元府有旱山 寰宇記在南鄭縣西南二十里 周地圖記云山上有雲卽雨

密

毛氏曰國有密須氏 呂氏春秋密須之民自縛

其主而與文王 地理志安定郡陰密縣詩密人

國 括地志陰密故城在涇州鶉觚縣西其東接

縣城卽古密國

周語共王遊涇上密康公從又曰密須由伯姑 左傳密須之鼓與

其大路文所以大蒐也杜氏注密須姑姓國文王伐之得其鼓路郡縣志涇州靈臺縣西陰密故城卽古密國輿地廣記商時密國之地本鶉觚隋取文王伐密而民始附之意以靈臺名縣朱氏曰密密須氏也姑姓之國在今寧州

阮 共

張氏曰阮國名共阮國之地名皆在今涇州今有

共池卽共也

氏族略阮商諸侯國在岐渭之間

鄭氏曰阮也徂

也共也三國犯周而文王伐之 孔氏曰魯詩亦

以阮徂共皆爲國名孫毓云文王七年五伐未聞

有阮徂共三國助紂侵周文王伐之之事 孟子